

أخطر موقف اتعرضت فيه للموت !! | د . حازم شومان

حازم شومان

اكبر مصيبة انك تبقى فاكر ان اللي جنبك سند وهو مش سند ولا حاجة ولا يساوي ربع جنيه اصلا في ميزان الحياة. ساعة الجد هو
بيطلع خيال مائة. بتطعلي مسنودة على وهم. [بيطلع - 00:00:00](#)

يقول لك ظل راجل ولا ظل حيطة. لأ ظل حيطة ولا ظل راجل. لانك انت لما بتلاقي لما عارفة ان هي حيطة ما انتيش مستنية انها
تسندك فبتدوري على مصلحتك - [00:00:21](#)

وبتشوفي توصلي ازاى لبر الامان. انما ظل راجل هو وهمك ان هو هيسندك وهو في النهاية لا سند ولا حاجة. اكبر مصيبة انك انت
نفسك تبقى في حياة اللي حواليك خيال مائة. انت ما حدش يتسند عليك. ما حدش ساعة الافراح او الاحزان بيفتكر اصلا. مشكلة
كبيرة اوي يا جماعة. احكي لكم اخطر لحظة مرت علي في حياتي - [00:00:31](#)

كنت انا باعوم في بحر آآ بحر يعني كنت في آآ في مكان يعني وبعوم في بحر كده وانا من النوع اللي ما بعرفش اعوم فلازم
اطمن ان رجلي - [00:00:51](#)

الارض فانا بدأت ادخل جوة البحر الموج بيشدني بقى ومبسوط وكده فلقيت اتنين شباب ما شاء الله عضلات وحاجة تفرح كده
بيعوموا جنبني اه فهما شايفيني خايف ادخل قالوا لي ادخل يا شيخ. ادخل ما تخافش احنا معك. والله يا جماعة الموقف ده حصل
بالزبط كده. ادخل واحنا معك. فانا جمدت قلبي. ده انا معي اللهم بارك - [00:01:01](#)

اتنين بيني وبينهم مترين. اتنين سند. اتنين رجالة. اتنين شهامة ورجولة ومجدعة يا جماعة. الحمد لله طلوعوا في الاخر. فانا قمت
داخل شوية واحط رجلي تحت الماية على الارض ما لقتش رجلي لابسة الارض. دي اللحظة اللي كل الناس بتغرق فيها. دي اللحظة
اللي بيجي للغريق فوبيا ويبدأ - [00:01:21](#)

قدرته على التفكير ويبدأ يعمل اي حاجة ويشرب ماية ويموت. فانا في اللحظة دي لقيت نفسي واقف يعني انا باغرق. انا انا الوقتي انا
باغرق بس انا مكسوف من ربنا ان انا اه اصرخ يعني مش هينفع يعني. يعني الواحد يعني لازم يبقى اسمك من كده في المواقف
الصعبة. فبابص لهم كده فبقول لهم بيني وبينهم - [00:01:41](#)

تلاثة متر. قلت لهم يا جماعة انا باغرق. انا ما عاش فيش تحت رجلي مائة. والله العزيز يا جماعة. الاتنين ردوا علي ساعتها قالوا لي
احنا ما بعرفش نعوم انا بصوا يا اخوانا انا بعد ما ربنا نجاني انا لو كنت استسلمت لنفسي انا ما اعرفش كنت عملت فيهم ايه.
امال انتم معشميني - [00:02:01](#)

انتم عاملين آآ سبع رجالة وسبع شنبات وانتم في الاخر خيال مائة. وانتم في الاخر وهم. وانتم في الاخر ما انتم السند. فانا ساعتها
قمت يعني رامي على المية ومغمض عيني وقعدت استعمل كل ما افهمه من السباحة وقعدت اضرب بايدي ورجلي تجاه الشاطئ
وشوية كده وقفت لقيت - [00:02:21](#)

رجلي جابت الارض بفضل الله اتحركت ليه؟ يعني كذا متر كده لناحية الشط اتحركت. انما اتعلمت ان الموقف ده ان اكبر مصيبة ان
يبقى اللي جنبك وهمك ان هو سند وهو مش سند ولا حاجة. طب يا جماعة معلش اكبر مصيبة ان يبقى اخوانا في غزة بيحصل لهم
ايه اللي بيحصل لهم دول؟ وهم مستنينا قاعدين يصوروا نفسهم - [00:02:41](#)

عارفين بيصوروا نفسهم يا جماعة. عارفين بيصوروا نفسهم في الجنائز ليه؟ عارفين بيصوروا نفسهم اطفالهم بيصوروا اطفالهم
اطفالهم ليه؟ لان هم متهياً لهم ان الصور هتأسر فينا. متهياً لهم ان الصور دي هتخلينا يقول لا يمكن اخوانا احبابنا لحمنا ودما يحصل

لهم كده ازاي؟ احنا لا يمكن نسكت احنا - [00:03:01](#)

احنا لازم نسندهم اكبر مصيبة. ان يبقى متهيأ لهم ان المسلمين سند والمسلمين ما هماش سند. عارفين افكرت اه فاكرين قصة الاندال الثلاثة قلتها من يبجي سنين طويلة كده الثلاثة اللي اتفقوا مع بعض على مسابقة - [00:03:21](#)

يبقى مين اندل واحد؟ فواحد مسك واحدة ست عجوزة في الشارع ضربها لحد ما نامها في الارض الثاني قام داخل طحنها ونيمها في دمها تنام على نفسه من الضحك في الارض. قالوا له يا عم ده احنا عملنا ندالة لا يمكن في التاريخ تحصل. قال لهم الست دي امي.

اه اللي بيتقتلوا في غزة دول اللي بيتفروا اللي بيتحولوا لاشلاء - [00:03:38](#)

الاطفال اللي نايمين على الطين وعالماية وفي الجوع وفي البرد. الاطفال اللي بتموت من البرد وهم حديس الولادة ده دول لحمنا ودمنا دول ولادنا. دول آآ يعني ولادهم مش اقل من ولادنا والله العزيز يا جماعة ولادنا مش اغلى من من ولادهم واخواننا مش اغلى من اخوانهم وزوجاتنا مش اغلى من زوجاتهم وبلدنا - [00:03:58](#)

شغلة من بلدهم وكلنا مسلمين. فين التراحم اللي بين المسلمين؟ فين الاغاسة اللي بحق وحقيقي؟ يعني واحد ابوه طلع عليه شلة بلطجية قاعدين يطعنوه بالسكاكين ويقطعوا فيه وهو فوق ابوة انا عارف انت متوقعة ان انا هقول ايه. وهو فوق بيتفرج على ماتش كورة. ده يبقى انسان ندل. لا لا لا. سيبك من اللي بيتفرج على ماتش كورة - [00:04:18](#)

خالص ما تفكرش بالطريقة دي. هو بيناقش الدكتوراه في الجامعة وهيبي استاذ دكتور. بيقل في البورد الامريكى وهيبي معه بورد امريكى او زمالة بريطانية. آآ بياكل لانه جعان جدا. ايا ما كان ما فيش عزر. ما فيش عزر ان ابوك يبقى بيتقطع وبيتفرم ان بنتك تبقى بيتقطع وبتتفرم وانا مشغول - [00:04:38](#)

قل القصة مش مشغول في ماتش كورة. شاب قاعد قدام ماتش كورة وقدام بطولة البطولة الافريقية. ولا القصة هو بيناقش دكتوراه ولا القصة ان دي لحزات بيزهر فيها الرجل من الندل ان دي اللحزات اللي بتخليك يا بني ادم يا انت مش بني ادم يا انت سند يا انت مش سند يا انت لك قيمة في ميزان الحياة يا انت ما تساويش ربع جنيهه في - [00:04:58](#)

الحياة. يا انت راجل يا انت ظل راجل. يا انت وهم الكل اللي حواليك متهيأ لهم انك حقيقة. وانت آآ بخار وهم دخان في الهوا وخلاص مش عايزين نستندل مع اخوانا يا جماعة. طيب نقدر نعمل ايه؟ كل واحد يقدر يعمل على اللي هو يقدر يعمل. والله الحاكم غير المحكوم - [00:05:18](#)

في صاحب المال غير الفقير. طيب ما تيجوا دلوقتي نعمل اقل حاجة نقدر نعملها لاخوانا في غزة. غير ان احنا دلوقتي بنحاول نسير القضية تاني. وبنحاول نقول للمسلمين اتقوا الله! لو انت على مستوى - [00:05:38](#)

انك تقدر تنصرهم بسلطة انصرهم بسلطة. تقدر تنصرهم بكلام انصرهم بكلام واعلام. واثارة قضية تقصد تنصرهم بالدعوة. تقدر تنصرهم بالدعاء تعالوا ندعي لهم يا جماعة. بس انا اتمنى ان كل واحد الندالة عندي غير الندالة عندك. غير الندالة عندك. كل واحد فينا الندالة بتاعته ان يبقى في ايده - [00:05:52](#)

حاجة وما يعملهاش. انا اللي في ايدي ان انا اكلم واسير القضية. فيه واحد في ايده انه يتبرع لهم بملايين وعشرات الملايين ومئات الملايين. لو هو يقدر عشان يغيظهم في الاكل وفي الشرب. في واحد في ايده انه يقدر يعمل ما هو اكثر من هذا. في واحد ما يملكش الا الدعاء. تعالوا نتوحد كلنا ان احنا ندعي لغزة تاني ونحبي القضية تاني - [00:06:12](#)

اللهم اغث اخواننا في غزة. اللهم اجبرنا فيهم. اللهم سامحنا واعذرنا في عجزنا عن اسرتهم. اللهم لا تعاقبنا يا رب ولا انتقم منا بتخاذلنا وتكاسلنا عن نصرتهم. اللهم انا نستجير بك. اللهم اجرنا واجرهم. اللهم اجبرنا واجبرهم. اللهم اغث اخواننا - [00:06:32](#)

في غزة اللهم اغث اطفالهم اللهم اغث نسائهم. اللهم اغث رجالهم اللهم اجعل نصرهم اية. اللهم اجعل نصرهم اية. اللهم اجعل تدمير اليهود اية من اياتك اللهم اغثنا. اللهم اغثنا. اللهم ابرد غيث قلوبنا. بنصرة اخواننا يا رب في فلسطين. اللهم - [00:06:52](#)

اللهم احمهم اللهم قوهم اللهم اسكن في قلوبهم الايمان وافرج عليهم صبرا اضعاف اضعاف ما هم فيه من بلاء. الله يا رب زد العالم انبهارا واعظاما لثباتهم. اللهم ثبت قلوبهم. اللهم انصرهم اللهم ايدهم. اللهم احفظهم - [00:07:12](#)

اللهم اجبرهم اللهم ارفعهم. اللهم استعملنا ولا تستبدل بنا. اللهم استعملنا ولا تستبدل بنا. اللهم استعملنا ولا تستبدل بنا برحمتك يا

ارحم الراحمين الراحمين - 00:07:32